

سجاره سلطان بروني مناعتي توتا

SEJARAH SULTAN-SULTAN BRUNEI
MENAIKI TAKHTA



Pehin Jawatan Dalam Seri Maharaja
Dato Seri Utama Dr. Haji Awang Mohd. Jamil Al-Sufri

Pusat Sejarah Brunei
Kementerian Kebudayaan, Belia dan Sukan
Bandar Seri Begawan BS 8610
Negara Brunei Darussalam

© Pusat Sejarah Brunei, 2014

Cetakan Pertama 2002
Cetakan Kedua 2014

Semua hakcipta terpelihara.
Tidak dibenarkan mengeluarkan ulang mana-mana
bahagian, artikel, ilustrasi, isi kandungan buku ini, disimpan dalam
sistem pengeluaran semula (retrieval system), ataupun dipindahkan dalam apa juga bentuk
dan dengan apa cara pun sama ada secara elektronik, fotokopi, mekanik,
rakaman atau lain-lain sebelum mendapat izin bertulis
daripada Pengetua Pusat Sejarah Brunei,
Bandar Seri Begawan.

Hiasan Kulit
Awang Ali bin Haji Abd. Rahim

Fon dan saiz teks: Times New Roman, 12/16

Set taip dan reka letak oleh Pusat Sejarah Brunei
Dicetak oleh Akbar Printing And Trading Co. Sdn. Bhd.

ISBN 9917-34-23-6

Kulit Nipis

Pengiran Muda
Tengah, Sultan
di Sarawak

semasa Sultan Muhammad Hasan masih menjadi Pengiran Muda Muhammad Hasan. Masalah ini telah diselesaikan oleh Sultan Abdul Jalilul Akbar dengan mengaturkan Pengiran Muda Tengah menjadi Sultan di Sarawak dan menamakan diri baginda sebagai Sultan Ibrahim 'Ali Omar Shah.

Sultan Abdul Jalilul Akbar pada mulanya berkahwin dengan Pengiran-Pengiran di Brunei berputerakan Pengiran Muda Besar Abdullah @ Abdul Kahar.⁵³ Apabila Raja Isteri telah lindung maka baginda berkahwin lagi dengan Radin Mas Ungku Siti Kaisah, puteri Pengiran Temenggong Mancho Negro⁵⁴ (Temenggong Gerisik, Jawa) berputerakan Pengiran Muda Besar Sulong Abdul Jalilul Jabbar dan Pengiran Muda Bongsu Muhyiddin. Sebelum Sultan Abdul Jalilul Akbar lindung baginda telah memanggil Wazir-Wazir, Cheteria-Cheteria, dan Manteri-Manteri untuk menyatakan hasrat baginda hendak menyerahkan Kerajaan kepada putera baginda, Pengiran Muda Besar Sulong Abdul Jalilul Jabbar. Maksud baginda itu dijunjung dengan persetujuan. Di samping itu sempat juga baginda berwasiat kepada Pengiran Muda Besar Sulong Abdul Jalilul Jabbar yang akan menjadi Sultan itu supaya anaknda baginda itu memerintah dengan adil dan sesuatu perkara yang akan dijalankan hendaklah dimesyuaratkan dengan pembesar negara. Titah ini bersesuaian dengan yang dimaksudkan oleh *Al-Qur'an*, Surah Ali-'Imran, ayat 159, tafsirannya: *"Dan bermesyuaratlah dengan mereka dalam urusan itu. Kemudian apabila keputusan muktamad telah didapati maka bertawakallah kepada Allah."*⁵⁵ Maka titah yang diamanatkan oleh Sultan Abdul Jalilul Akbar inilah yang dijadikan amalan oleh Sultan Brunei.

53 Menurut batu bersurat yang didapati Perkuburan Islam Kampong Serusop.

54 Bin Pengiran Temenggong Mancho Tando bin Sunan Dalam Ali Zainal Abidin Wira Kesumo Dero bin Muhammad Ainul Yaqin Sahibul Qairi (Sunan Giri) bin Maulana Abu Ishak bin Ibrahim Zainal Al-Akbar bin Jamaluddin Husin Al-Kubra bin Al-Amir Ahmad Syeikh Jalaluddin bin Sayid Abdullah Adzamathukhan bin Sayid Abdul Malek bin Sayid Alwi Ammal Faqeh bin Sayid Muhammad Shahib Mirbat bin Sayid Ali Khali' Qasam bin Sayid Alwi bin Sayid Muhammad bin Sayid Alwi bin Sayid Ubaidillah bin Sayid Ahmad Al-Muhajir bin Sayid Isa Al-Rumi bin Sayid Muhammad Al-Naqib bin Sayid Ali Al-Aridhi bin Sayid Ja'afar As-Siddek bin Sayid Muhammad Al-Bakir bin Sayid Ali Zainal Abidin bin Sayidina Husin bin Sayidina Ali (yang berkahwin dengan Sayidatuna Fatimah binti Nabi Muhammad Sallallahu 'Alaihi wa Sallam).

55 *Al-Qur'an dan Terjemahannya*, h. 103.

Apabila Sultan Abdul Jalilul Akbar lindung lebih kurang pada tahun 1659,⁵⁶ maka takhta Kerajaan pun diserahkan kepada Pengiran Muda Besar Sulong Abdul Jalilul Jabbar dan menamakan diri baginda, Sultan Abdul Jalilul Jabbar.⁵⁷ Manakala Pengiran Muda Besar Abdullah @ Abdul Kahar telah membawa diri ke Labuan. Selepas Sultan Abdul Jalilul Jabbar menaiki takhta, Pengiran Maharaja Lela telah menghadapkan teguran bahawa mengikut Adat Istiadat Diraja Brunei Pengiran Muda Besar Abdullah @ Abdul Kahar patut menjadi Sultan kerana beliau putera tertua lagi gahara, tetapi perkara itu telah dapat diselesaikan dengan cara pembesar-pembesar negara bermuafakat mengikut cara Brunei kerana adat istiadat tertakluk kepada keputusan permuafakatan.

Sultan Abdul
Jalilul Jabbar
(Sultan
Brunei Ke-11)

Bagaimanapun perangkatan Pengiran Muda Besar Abdullah ke Labuan itu menjadi persoalan kepada Sultan Abdul Jalilul Jabbar kerana dikhuatirkan sesuatu perancangan akan dilakukannya. Kemudian tidak lama guntungnya Pengiran Muda Besar Abdullah dikatakan mangkat di Labuan, dibunuh oleh orang yang tidak diketahui. Maka selepas itu keluarga yang bersamanya dijunjung berangkat semula ke Brunei. Menurut sejarah lisan, setelah berlaku pembunuhan itu, putera Pengiran Muda Besar Abdullah yang tua bernama Pengiran Anak Jamaluddin telah melarikan diri ke Melabau kerana takut dibunuh juga. Semasa di Melabau dia telah membuang nama Pengirannya, ditukar menjadi Paduka Abdul Jamaluddin.⁵⁸ Penggunaan 'Paduka'⁵⁹ di pangkal nama mereka pernah digunakan oleh anak cucunya.

56 Menurut *Tarsilah Sambas* pada Tahun 1658 Sultan Muhammad Tajuddin Sambas pernah ke Brunei mengadap baginda dan tarikh Sultan Abdul Jalilul Akbar lindung disesuaikan dengan tarikh Sultan Muhammad Tajuddin (Sambas) menaiki takhta pada TH 1079 (TM 1668) iaitu 10 tahun sebelum Sultan Muhammad Tajuddin (Sambas) menaiki takhta.

57 Sultan Brunei Ke-11 (TM 1659–1660) dan terkenal dengan sebutan 'Marhum Tengah' (Sweeney, 'Silsilah Raja-Raja Berunai', h. 56; dan *Sultan-Sultan Brunei*, h. 3).

58 Kisah ini didapati daripada anak-cucu Pengiran Muda Besar Abdullah bernama Awang Haji Abdul Wahab bin Awang Abu Bakar bin Awang Gambur @ Abdul Ghafur bin Awang Jumat bin Awang Garip bin Awang Tuah bin Paduka Abdul Jamaluddin (yang menamakan dirinya Al-Sultan) bin Pengiran Muda Besar Abdullah @ Abdul Kahar ibnu Sultan Abdul Jalilul Akbar ibnu Sultan Muhammad Hasan pada 9 April 2001 di Hotel Sheraton Labuan.

59 Lihat Lampiran F, G, H & I.